

Mapiamapia

Winy Madikezela Mandela, nkanda bakaji wa mu Afrika.




Mu ditunga dia Afrika wa kuinshi, mu dia... 4/2018, mamu wa cipanda, uvua mukaye bakalenga ba bikulukuku ba kuabo eku, nyewu washiyanganyi netu. Yeye ewu ke Winy Mandela. Nkanda bakaji ewu uvua muluile ditunga diabo mvita mikole, ya munanunanu, ivua mimufikishe ku binyangu ne ku cikisu cia tulumu nkaya tuvua ne bukalenga bua ditunga adio mu bianza.

Cikundu acio ncivua batoke badi base mu citupa eci cia buloba buetu bua Afrika babenge ne muntu mufike kedi nyashi, kedi muawu. Bobo aba bamukuacile misangu ne misangu, bamuela mu nkanu, bua kumucinyisha. Kadi yeye kavua mupuekeshe maboko, kavua nansha mupingane panyima. Utungunukile ne diluila maneme a muntu mufike bipicidile, mu mvula 28 ivua bayende, Nelson Mandela, muikale mu lukanu. Mamu ewu, ncitembu cietu cia mukua mufika. Udi kabidi cimanyinu cia se : ditunga badi mua kuditacila ne kudipandisha kudi bana badio bonso: ba balume ne ba bakaji momumue. Afrika mujima pamue ne matunga kabukabu a kubabende adi adila Madikezela Mandela, mukaji muenda lumu wa mu Afrika emu.

Bakulumpe ne bana tulongayi mukanda



B.B.T.M.



MUNYAKU WA NSONA

Bena Kongo nuatabala:

cikulukuku ncituindile mu njila wa masungula



Bana betu kolayi!

Bana betu kolayi	2
Diya dia babadi	5
Njila	12
Kayuki	14
Kuetu kundela	18
Kebeji	22
Nkololo	23
Mapiamapia	24

Tudi bapete mikanda mitufundila kudi bena bualu ba mu didibidija, ku cibambalu cikulu cia bbtm, mu Ntenji wa Mbujimayi.

1 . Cibingu Eddy

Mmutufundile, wamba ne :

Tatu Shambuyi, meme muena bualu webe, ndi nkuela tuasakidila, bualu udi mutulogesheshe bimpe bitambe. Udi mutumvuije dilongesha dionso biakane. Ke wewe

kutufikisha petu ku difunda mukanda.

Buanyi meme, ciena ne cia kukupesha to ; kadi akidilaku anu tuasakidila undi nkuela ne muoyo wanyi mujima. Mulopo nkayende nnguakufuta. Tatu Shambuyi, ndi ngamba kabidi ne: *“Ditama kayi muanenu, kena mua kukupondela ngaji”*.

2. Mitshiabu Sylvestre.

Udi wamba ne:

Tatu Shambuyi, malu adi ko-ku cikundu eci adi akemesha bikole. Bana ba lelu kabaciena bacina mianda nansha bacina bantu to. Kanemu ka baledi kakacienaku. Miaba yonso bana badi benza malu anu a muomumue. Nebapangile bionso. Mukanda wa Mvidi Mukulu pawu udi wamba ne: “Nemeka

tatu na mamu, nanku ulala matuku mavule pa buloba”. Kadi lelu, bantu bakadi balala bidimu anu bibala ku minu, biobio bia bungi mmakumi asatu!

Tatu Shambuyi, meme ewu mvua muvue mu bbtm emu ciyi mumanye mua kubala nansha mua kufunda! Kadi lelu nyewu ngamanyiku pa-nyi bikese ebi.

Nkololo wa mukuenu...

Lufu mmbudibudi wa musesa, udiadia kasunguluji, kudia mutoci kumana, lelu wakuaci ne ku musesa.

Mukulu Cyamala Shambuyi Justin, wa mu Cikongo cia Kizito Muana, mu Mbujimayi, udi ne dibungama dia kumanyisha balunda ne bamanyangana nabo lufu lua mukulu Sébastien Mutombo, udi mutushiye mu dia 05 /02/2018.



Mufue ewu uvua muledibua kua Manda, mu nzubu mua tatu Nsubayi ne mamu Musawu, mu cidimu cia 1953. Mumane kujikija malonga ende mapuekele ne mabandile ku Ngandanjika, ubangile midimu yende ya disumbisha dia bintu anu ku kuine ku Ngandanjika eku. Pashishe kubelaye mu dibaka dijidila ne mamu Petronille Ntumba mukua Mulumba, mu dia 07/05/ 1998.

Tatu Sébastien uvua tatu wa bana 11. Uvua usadila Mulopo ne cisumi civule, muikale ubuela mu ciota ciabo cia Lumu lua Kristo matuku onso. Muine amu uvua ufika misangu yonso kumpala kua bena ciota nende, bua kubalongoluela muaba wa kusomba. Kabidi, bu muvuaye mulamishi wa bulongame mu nzubu wa Mvidi Mukulu, kavua musue disalu nansha dikese diba dia Misa nansha.

Munyaku udi udisanga ne tatu Justin Cyamala kabidi ne bena diku dia mufue, bua kumulombela diakalenga dia kashidi kudi Mulopo.




Kebeji wakapambuka.

Mandamuna ku nkonko

**Pa muanda wa mamu mushila
nzubu kudi muanende wa balume.**

Munyaku 23: 1+2 dibejia dia 22.

Tatu Evariste mmuandamune ne:
kakuena mukiya nansha umue to.



**Pa muanda wa micipu ya mu-
ledi pambidi pa muana.**

Munyaku 23: 1+2 dibejia dia 22.


Muanetu Evariste ewu mmuandamune ne : ebu bualu budi bulela mukiya. Nenku, bua kuwujikija, bena diku badi bateka muana panshi; muledi pende udi wambulula miaku ivuaye mupatuile muana. Diba adio, muana pende udi ufuta muledi nzolo.

**Pa muanda wa muana mulenga
muledi wende pambidi**

Munyaku 23: 1+2 dibejia dia 22

Tatu Evariste Mbikayi mmuandamune ne : Eci mmukiya munene. Bidi bikengela ne: muana

ewu apatule nzolo, abunguluke nende ku makasa a muledi wende uvuaye mulenga pambidi ewu.



Nkonko mipiamipia

Munyaku udi webeja babadi ne balunda bawo bonso se:

1. Muetu mu Kasayi emu, mukaji musela udi mua kujilangana ne tatuende mueni anyi ? Kadi bu yeye mua kuenza nanku, bualu ebu badi mua kupita nabo bishi?


2. Bibidilu bia buena lelu mbipite bia kabukulu ku mushinga anyi ? Kadi pika-labio nanku, tudi mua kua-mla kabidi ne: nsombelu wa buena lelu mmuakane mupite wa buena kale anyi ? Ku malu masunguluke kayi ?

3. Kayiba Marguerite

3.1. Tatu Shambuyi wetu awu,

Udi mulale bishi ne nzubu webe mujima? Meme ndi mudi-ngishe. Nyawu nkuela tuasa-kidila wa manza tente, bualu ngamanyi panyi mua kubala ne kufunda mukanda .

Ndi nkulombela kudi Mulopo bua akulame, bua akuvudijile lungenyi ne meji.



3.2 Anu yeye mamu Kayiba Marguerite mmufundile kabidi muledi wende mukanda udi ulonda ewu :

Tatu Mukendi wanyi, udi mulale bishi ne nzubu wetu mujima ? Tuetu petu, ne bana bonso, tudi badingishe. Meme Kayiba webe ngajikiji kalasa. Nkadi mbala ne mfundaku panyi mukanda. Kadi ndi nkulomba se: suaku untumineku bilamba.

4. Kabala Célestin

Nyewu mufunde pende, wamba ne :

Tatu Shambuyi wanyi, bangabanga ndi nkuela muoyo wa disanka, bua pawudi mungenzele bualu bua disanka dinene ; mundongeshe mua kubala ne kufunda mu matuku makeke.

Ndi ndomba Mulopo Maweja Nangila, bua akubeneshe.

Angataku ciakabidi muoyo wa kundi meme webe, Kabala Célestin.

5. Cibangu José

Udi wamba ne:

Tatu Augustin Cishimbi, lelu ewu ndi musue kukuambila ne: bualu bunudi nabo mbunene! Katuena mua kupanga kubumanya to, kabidi katuena mua kupua balongeshi betu muoyo.


Bine aba ke tatu Patrice Kazadi, mansela Marie pamue ne bakuabo bonso banudi nukuata nabo mudimu

mu cibambalu eci cia bbtm. Nansha mutukadi mu ngondo muisatu emu, ndi anu nnuj-ingila panyi cidimu cilenga cia 2018.

Mulopo anupingajile lukama pa cimue, anubeneshe; anuvu-dijile matuku pa buloba.

Ndi mumone ne: bu nuenu kanuyi bandongeshe bilenga, civua mua kusuminyina to. Kadi ndongeshilu wenu, wa lukasa lukasa, mmunkoke bikole. Nkadi mbala ne mfunda panyi mukanda, bantu bawubala biakane!

Tatu Shambuyi wanyi; meme ngasuluku ku konji ka bupika. Ke pandi ndomba bana betu bacidi bapange mukanda, apo bikale bumvua bundu, bua biye kulonga pabo mu bbtm.




6. Kamuanya Justine

Yeye mmufunde miaku eyi:

Tatu Shambuyi wetu awu ; udi mulale bishi ne diku diebe dijima? Meme ndi ne meyi makese a kukuambila, mikale atangila dimanya diebe diwudi mumpeteshe. Ndi ne disanka, bualu ngikala ciyi mutuilangane nebe, civua mua kufika panyi ku difunda mukanda to.

Bu mudi Mulopo mukupe dimanya edi, tungunuke ne dilongesha. Yeye Mulopo nkayende neakusambe. Ndi nkujingila diakalenga mu malu ebe onso.



Wa Kankelenga ne wa Kalundu,
Se udi wa ku mpata mialabale :
Diovu ne Cipuka.

Kuenu se udi wa ku Citandayi
cia bana milongolongo ;

Wa ku Kamuanga ne ku
Ngandanjika ;

Wa ku Miabi ne ku bana ba
Ntumba,

Ku bakua Nsumpi ne ku Kamiji
wa ngomba

Wa ku Cijiba ne ku Katanda.

Udi wa ku Ndemba Mutombo
ne ku Malandi wa Nshinga.

Udi wa ku Cikapa cia Minyela
ne ku Luebo Kasenga.

Ciluba wetu, wewe ewu se udi
wa ku misulu ya mayi mimanya
mu mena:

Kakangayi, Lubi, Luilu, Lukula
Cielela, ne Mujila;

Nzaba, Muya, Kanshi, Mudiba
ne Mukudibuku.

Ciluba wetu, Ciluba wanyi;
wewe mumanyike nenku,
kapeja ne dipetu bidibo
bakutela mbia pa cinyi ?

Se mbia kudi bantu babule
meji.

Bonso bamanye ne: muetu mu
Kasayi munene emu, wewe ke
muakulu udibo mua
kutulongesha nawu,
bua tuetu kushikuluja mianda.

Ciluba wetu, Ciluba
wanyi,
udi muakulu muenda
lumu,
wa banjelo ne
bankambua.

Mulopo uvua mukuteke
mukana muetu ke
wakushindamija ku
bantu.

Buanyi meme webe,
Joseph Mpoyi Kabongo,
cindi nacio cidi anu cia
kukuela kalumbadi.



Tumue tusumuinu tua bankambua.

1. Manyi mukuambulu wa
Kayemba, manyi wetu
meme mukutuale, wadia-
mbula wadiela, pawenza
ne: kabakadi bantuale.

2. Lungaji ku dibua,
bamamu aba mbakale-
nga, babuela mu nzubu
batupe mutanda, ku cidi-
mu ku cidimu, batupa
muntu.

Makumbu malongo-luela muakulu wetu wa Ciluba.



Lelu ndi ngamba kutuaku muakulu wetu wa Ciluba ewu makumbu.

Bualu bamue ba

kutudi mbabo bawumona bu muakulu wa kudiombola;

Babenga mua kuwutua mushinga, babenga mua kuwunemesha.

Ciluba wetu, ciluba wanyi; Wewe muakulu wa bakaku, wa batatu ne wa bamamu; udi kabidi muakulu wa bayayanyi ne batutu bonso basanga mu mena.

Kola bobobo, bu musuasua, bu nyindu, bu ciamu cia mu ditanda. Kola usampuke; wela miji, wela bilongo, wewe udi muakulu wa ku Mbilanji ya malobo nkama;

Udi wa ku lua Cilemba ne lua Kalelu; Se udi kabidi wa ku majiba

menda lumu ; Munkamba, Mfua, Lomba ne Ndinga... Wewe se udi wa mu Kasayi kasanga nteta.

Mukushiye kunu, nya e kakusangana ku Cisansa mu cisalu,

Balola nebe mianda kudi basumbishi ba citekuteku , ba muteta, ba kaleji ne ba cidibudibu.

Ciluba wetu kankamana, wela miji, wimanakana mutenda; kabakupulumunu panshi kudi muntu; kabakusashishi kabidi kabakuboleshi kudi banyangi, badi bakuamba ne: wewe udi mupite bukole.

Bienze bu ne: wewe udi mupite bakuabo bonso ku bukole!

Badipu aba badi bakuamba ne: wewe udi ukuacisha bundu!

Ciluba wetu, badi bakuamba nanku abo, ubambile ne: Bundu buikale anu buabo bobo, banyangi ne bena kapeja.

Wewe Ciluba wetu, Ciluba wanyi;

Se udi wa ku mikuna mienda lumu :

Diyi dia babadi betu.

Muyuki ne bamamu pa dituku dia 8 dia Luabanya nkasu.



Bua kumvua lungenyi lua bamamu pa dituku diabo dia 8, didi dibomekela mu muenji wa Luabanya nkasu, Munyaku uvua muase muyuki ne bamue bamamu ba mu bbtm, ku cibambalu cikulu. Muine muyuki ewu uvua mushindamene pa ciena bualu cia cidimu, cidi ne: *“Diba diakumbanyi; mamu adiambuile bujitu”*.

Munyaku: Ku cidimu cionso, dituku dia 8 dia muenji wa Luabanya nkasu, disombele dipungila bamamu mu buloba bujima. Kadi buenu nuenu, dituku edi didi dilengelela bamamu ku cinyi?

Bamamu: Dituku edi didi ditupetsha bujitu, ditupetsha mushinga ne budikadidi. Tudi petu tudiumvua bu bantu

badi bakanyine kanemu ne buneme bua pa buabu.

Munyaku : Mmalu kayi malenga adi bamamu ne bua kukumbaja, bua kunemesha cibilu ne masanaka a dine dituku diabo edi ?

Bamamu : Bua kenemesha dituku edi, tuetu bamamu tudi mua kusanga dikuta; kulongo-lola cilamba cisunguluke, kulongo-lola kabidi didia ne dinua. Pashishe, tudi mua kuenda nge-ndu ya mindololoci, bua kujikula dietu diyi.

Kadi, katuena tuimanyina amu pa bine ebi to. Tudi kabidi mua kuya mu bitendelelu bua kuela Mulopo tuasakidila, bualu yeye mudianze kututua mushinga. Anu bua dine dituku edi, tudi mua kupeta malongesha mashilangane, adi mua kututabuluja, bua tuetu kukeba maneme etu ne kutontolola aba bonso badi basue kutubozela panshi.

Munyaku : Kadi ncinyi cidi bamamu mua kuepela bua kubenga kunyanga dituku edi?

Bamamu : Kudi bienzedi kabukabu bidi bamamu mua kuepela bua kubenga kunyanga dituku edi. Ke bu mudi nge-

nzelu ya ditombokela batatu mu mbanza, mvuadilu ya kapuwa, bunuavi, budiavi, biakulakula, dipepeja dia batatu; dijinga dia kulekeela batatu midimu ya nzubu mu dituku edi; divuala bilamba bia bantu balume ne bienzenza bikuabo.

Munyaku : Mu matunga mavule, bisumbu kabukabu bia bamamu, mu nkongu ne nsanzu yabio, mbijukile kulu, bua kutacila maneme a bamamu. Kadi nuenu nudi mua kuikala bamanyeku amue a ku mine maneme aa anyi ?



Bamamu: Tudi mua kute-laku amue a ku wowu:


Ufika, Mulopo kumuebeja ne: kuena mudie nansha cimue anyi? Muntu kuvila, kulaka ne mu dikasa. Ke Mulopo kumona ne: Muntu mmuena mivilu, kena wamba bulelela to.

Bucia, Mvidi Mukulu kuindila muntu, bu muvuaye mumulaye, bua aye kumupolela kabidi bibota; kuindilaye muntu too e kupanga. Nzala imutonda, kubikilaye muanjelo e kumuambila ne: ndi muambile muntu bua avue lelu ewu bua akankebele bibota mu budimi buany, kadi ciena mumumone to. Ngambule panyima ukamfila muende.

Muanjelo kumuambula. Bafika kua muntu, Mulopo kumuebeja ne: meme mukulombe bua upingane buany, bua cinyi ciena mukumone too ne ku mpindiewu? Muntu ne: Mu nzubu emu, lelu katuena balale to. Meme ne mukajianyi ne bana tudi ne lufu; tudi tusama bikole. Pinapo, mbua pavuabo badie bibota ne makonda bapicishe.

Ke Mulopo kukema bikole. Kuebejaye muntu ne: awu malu adi apatuka mukana muebe mmafume penyi? Udi mukumbilewu nnganyi? Meme ciena mufuke lufu, ciena mufuke disama! Ngambila: Disama ncinyi? Lufu kabidi ncinyi? Nanku, bu mudibio bipatukila mukana muebe wewe muntu, anu wewe muntu neusame, neufue kabidi.

Lufunda kudi tatu Evariste Mbikayi, wa mu Mbujimayi.



Kuetu Kundela

Kufumine lufu nkuepi ?

Dimue dituku, Mulopo kuelaye meji a kuditua pende mu mudimu wa budimi. Kuambulaye lukasu ne muele, kubuela mu mpata e kudima budimi buende buye emu, buye mua-mua. Yeye kukunamu bibota ne makonda.

Kadi yeye e kukulakaja bikole, kushala kaciya mua kuenda. Eku bibota pabio ne makonda kuboba, kubudikita. Muenyi wabio kukuatakana mu citupa acio cijima. Muntu yonso uvua upicila pabuipi uvua anu umina mata.

Kadi didipu edi, yeye musombe pambelu, kumonaye nyama wa ngulungu upita mu njila. Kumubikilaye e kumuebeja ne: udi mumanye muaba udi budimi buanyi anyi? Ngulungu ne: ndi muwumanye. Mulopo kumutuma bua akamutunguile bibota bitanu ku mutundu, avue nabio. Ngulungu walukila, Mulopo kumuebeja ne: kuena mudieku nansha cimue anyi? Ngulungu

ne : to Mfumu, ciena mudie nansha cimue. Ke Mulopo kumuelaye tuasakidila.

Buvua kucia, Mulopo kumona nsoko upita pende. Kumukonkaye ne: nkuepi kuudi uya? Nsoko ne: ndi ngenda ngendakana. Kumukonkaye ne: udi mumanye muaba udi budimi buanyi anyi? Nsoko ne: eyowa. Ke Mulopo kumulomba bua akamutunguile bibota bitanu. Nsoko uya e kupola bibota bitanu, cikole ki mmudie nansha cimue to.

Dituku disatu, Mulopo kumona muntu wendakana mu njila. Kumubikilaye pende e kumutuma bua akamutunguile bibota bitanu. Muntu wayi ewu, umvua muenyi wa bibota, mamu wayaya! Kuvua-ngalaye panshi, kudia too kuzengeja; kuela ne bikuabo mu nsapu, e kuya kashiya muende.

Pashishe, kupinganaye ku budimi bua kushisha kutunguila Mulopo bitanu bivua-ye mumutume.

* Dilonga dia mukanda: Mbimpe mamu alonge mukanda, bua ikale muntu mutabale.

* Dikuata dia mudimu: Bidi bikengela bua mamu ikale mukaci wa mudimu, ikale kabidi ne bukenji bua kupeta difutu didi dimuakanyine. Pa bualu ebu, ki mbimpe tatu akandike mamu mudimu to.



* Didibuika mu mianda ya politika: Mamu mmuena ditunga mulelela. Udi ne bua kudibuika mu mianda yonso ya ditunga, bua



wamona mua kuamba die-nde diyi mu mianda eyi. Pa kuenza nanku, mamu udi uyisha pende ditunga kumpala. Mamu udi kabidi mua kuasa ciende cisumbu cia politika.

* Dilombola dia misumba: Mamu afile mpala mu masungula bua kupeta nkua-sa wa bulombodi nansha kuenza muena mpala wa bena ditunga nende mu ci-mamuende wa bukalenga.

* Dipatula dia diyi mu budikadidi: Mamu ikale ne diyi dia kuamba mu mianda ya ditunga, ya mu meku nansha ya mu bite-ndeletu. Kabamushiya amu citaba mvinyingu, mutuci-

dianganyi wa nkashi ne muele-
dianganyi wa mikunduluila to.

Munyaku: *Anu biobio bisumbu bituatedi ebi, bidi kabidi bidiula bikole nge-nzeli yonso ya cikisu idibo basubisha nayo bamamu. Kadi Nuenu nudi mua kutelaku bimue bikisu nansha binyangu bisombebo benzela bamamu mu cietu citupa cia buloba anyi?*

Bamamu : Imue ngenzeli ya cikisu itudi bamanye nyoyo eyi: mitutu, dibambindika mamu ku malu a bundu, dimuo-mekela bujitu bua nzubu, dimunyenga dia bintu nansha dia bana bende; dimutalula buloji; dimuipata mu lubanza nansha mu diku mu cikondo cidi disama nansha lufu lubuelamu, ne binyangu bikuabo kabukabu.

Anu pa muine muanda ewu, tuetu bamamu tudi tunyingalala bikole bua ngenzeli eyi; nangananga diba didi bayenji bikale bamamu bine, bakenge-sha bamamu nabo.

Cilejilu: diba dia madilu, bamamu ke badi bapita kuke-
ngesha bakaji ba bana babo; babipata, babanyenga bintu,

babapala biakudia anyi babikisa. Tudi tulomba bamamu basombe benze malu aa, bua baalekele kashidi; bavuluke se: mukaji wa muanenu mmamu nebe.

Munyaku: *Buenu nuenu, muanda wa cikisu ewu nudi nuela nawu meji kayi ?*



Bamamu : Buetu tuetu, tudi tujinga se: Mbulamatadi, bitendelelu, bisanji nansha bikandakanda bidibuike mu cilumbu eci, pa kuvudija miyuki ne malongesha adi mua kunyukisha ngenyi ya balume ne bakaji mu ditunga, bua bu-

Ngondu wa Luabanya wajiki ewu, tuvua bumvue lubila lua bamamu, bakula pa ngenzeli ya cikisu idi bamue batatu babayobesha nayo mu mbanza. mBuena kuamba ne : batatu aba badi badiatakaja maneme a muntu mukaji ku makasa. Nansha yeye muenze mudimu wende, mupete dikuta, kalume nkaya wa kumbelu udi umunyengadio.

Kalume nkaya ka mu mbanza aka kadi ne cinyangu cipite bubi. Bu mudiko pabupi ne muntu, kikale kabidi kasombelangane nende munya ne bufuku, kadi kamucinta bibiabibi, kamupangisha mushindu wa kunyungana.

Kudi bamue bamamu badibo basuike ku mionji mu matuku abo onso a panu,

kabayi ne mushindu wa kulabula pabo nsombelu wa budikadidi bua bantu bafuka kudi Mufuki wa balume ne wa bakaji. Bakuabo, kacia bapatuka mu nzubu ya bale-di babo, mba-



diele mu iferno, bashalemu too nemuafuabo.

Nanku tudikonkayi pa cilumbu eci, babadi wetu. Muntu udi ulamina mukuabo panshi mushindu ewu, mmulenga mupite kalume nkaya ka mu ditunga ku cinyi? Kabidi, tulume nkaya tua mu mbanza, tudi mua kuluisha nansha kucimuna ka mu ditunga ne lusanzu kayi?

mulongu wa Mufuki, dinye-nga dia bantu diyi mu ditunga ne didiatakaja dia mame abo.

Kadi kalume nkaya ka mu mbanza kadi paku kabi anyi ?

Tuetu bajile nkala, eku tudia musoji; tudi bajile nkala ayo bulelela anyi? Mu cikondo citudi eci, kudi meyi ne mikandu mu ditunga dietu bidi bibenga ne biluisha ngenzelu mishilagane ya cikisu, idi bamue batatu basubisha nayo bakaji babo ne bana mu mbanza.

Misangu mivule tudi tusanngana tatu ututa, utapa pamue apa ushibeya muena kuende bua kalu ka mukodikodi! Bakuabo badi batuta bana, babilekela mu njila nansha mu bisalu!

Ambayi, ndishilangana kayi didi mua kuikala munkaci mua kalume nkaya kanene ka mu ditunga ne kalume nkaya aka kakese ka mu lubanza? Bushiwa, mu lubanza mudi bantu bungi bushadile. Kadi

ki ngacio cidi mua kubingisha tatu muena cinyangu mu ngenzelu yende ya kalume nkaya ka mu lubanza to.

Bantu ba bungi, mu mbanza yabo badi ne nsombelu wa kalume nkaya; ne muine ewu mubabuele mu mashi, mubabuele too ne mu mifuba. Ki mbashilangane ne bamfumu badi basubisha bantu mu ditunga to.

Ambayi kabidi; padi tatu ututa mukajiende, kasombela upe- ta miaku nansha njila ya mua kudibingisha anyi ? Bantu badi mua kumvua anyi kuitaba ne: tatu wa nunku udi wenza bualu bubi mbavule anyi ?

Tuetu, ku dietu dimona, kalume nkaya ka mu ditunga kadi kapetela diminu diako kudi kalume nkaya ka mu mbanza yetu. Bua kujikija ka mu ditunga, tuluishayi kum- palampala katudi naku mu mbanza.


Tuadijila budimi kueba kumbelu, neumone budimi mua- dipungabu.

mvue bubi bua ngenzelu ewu.

Pashishe Mbulamatadi kalekedi bantu badienzela malu aa, bafika too ne kudishipa bamamu, e kushala kabayi bapete manyoka adi makana- ngane ne cilema ciabo.

Munyaku : Kuetu kunu, basombebe babikila muntu mukaji ne « mmupika » ; kabidi bamamu bine basombebe bambangana anyi badiamba bobo bine nanku. Buenu nuenu, nudi nuamba bishi bua ngakuilu ewu ?

Bamamu : Ewu ngakuilu mmubi; kabidi udi uleja ka-



peja kadi naku bantu ku luseka lua bamamu. Kakuena muntu muledibua bua kuikala mupika wa mukuabo to.

Muntu yonso, mufuka kudi Mulopo, udi ne buneme buende kabidi udi ne cia kuikala mudikadile.

Munyaku: Amue meku asombebe adiombola bana ba bakaji, amba ne : « mbiula ». Muanda wa nunku, wowu muenzeke mu miaba inudi basombebe; nudi mua kupita nawu bishi ?

Bamamu : Pa muanda wa nunku, tudi tufila mibelu kudi bena meku awu. Pikalabio bikole, tudi mua kuya ne bualu ebu kudi Mbulamatadi anyi tudi mua kubuleja bisumbu



bidi bitangila maneme a bana. Muntu kena mua kulela biula to.

Munyaku: *Matuku aa, tudi bamone se : bamamu bavule mba-difile ku midimu kabukabu, bua kuambula majitu a mu mbanza. Kadi kudi bamue batatu pabo, badi bomekela bamamu bujitu buonso. Nudi mua kubambila cinyi ?*

Bamamu : Tudi tulomba batatu ba nunku, bua badiba-mbe, bakuata mudimu bua kuambula bujitu bua nzubu yabo pamue ne bamamu; mu diambuluishangana. Bamanye se: dipanga dia batatu, dia kukokesha mbanza



yabo, didi mua kufikisha bamue bamamu, ba muoyo mutekete, ku dilaluka.

Munyaku : *Bua ditunga dietu, misoko nansha mbanza kutantabio, ncinyi cidi mamu mua kuenza ?*

Bamamu : Bua ditunga nansha misoku yetu kutantabio, bidi bikengela bua mamu ikale ukuata mudimu ne cisumi; ikale mudiambuidi wa bujitu ne mutabaledi wa nzubu wende.

Anu pa bualu ebu bua ditanta, bamamu, mu bisumbu biabo bishilangane, bakebe mua kupetangana ne bena politika anyi balombodi bakuabo, babakuacishe ne mibelu mimpe, kabidi babasake bua batabalele makenga adi nawo bantu mu ditunga.

Munyaku : *Bua kansungasunga kasombele munkaci mua tatu ne mamu, mu meku nansha mu ditunga, nudi penu nuamba bishi ?*

Bamamu: Kansungasunga munkaci mua babidi aba kakena ne mushinga nansha

mukalenga ». mMuomumue ne : tudi tujinga bukalenga budi bupetesha muntu yonso mpunga wa pa kuakuila, budi bupetesha bantu bupole, disanka ne nsombelu mulenga mu ditunga. Buine bukalenga bua mushindu ewu se mbua «Mukulu mukuate, muakunyi mukuate ».

Tuambe kabidi se : kakuenamuntu udi mua kuanyisha bua bukalenga, mu ditunga, buenze cintucia muntu umue, anyi cia kasumbu kakese ka bantu nansha. mBuena kuamba ne : bukalenga bua kalume nkaya kabuena ne muaba mu mioyo yetu to. Ne udi ubudia pende udi uditeka anyi udivuija muluishi wa musumba wa bena ditunga.

Nanku, bua bantu bapite bungi, bukalenga bua kalume nkaya ncintu cibi citambe; bavule basombele babujingila anu kabutu.

Kabengela ka bukalenga bua kalume nkaya.

Cilema cinene cidi nacio bukalenga ebu ncia dizanjika dia muntu umue mu ditunga, dikeba mua kumuvuija bu Mvidi Mukulu ne kumuenza muntu wa kukuila. mMuomumue ne:

-Wa kayi kutela citeletela, wa kabayi mua kuakula pa bilema bidiye wenza;

-Wa bombela anu nkashi, bimbila misambu, bajila ne maja ;

-Nansha yeye mukalame ne bintu bia ditunga, kabayi mua kumuasa cilumbu ;

-Yeye ushipa bantu, kabayi mua kumulondesha. Bukalenga bua kalume nkaya, bua padibu buenda ne lukinu ne cinyangu, pamutu pa kuvudija manga a luondapu mu ditunga, buobu budi buvudija bingoma. Bu mudi badi nabu bamanye bubi buabo, badi badienza ba “Kashingi muditele, muena bualu buende mmudimanye”. Ke padibo bafuka ne bavudija midimu ya batentekedi ba bantu, bua kumona mua kukuata bonso badi bajana ngenzeli yabo.

Mu cikoso, tuambe se: Bantu badi babenga bukalenga bua kalume nkaya nangananga bua cinyangu, dizangika dia cifukibua ku

diakamue cibiukidiji cia mushe-
te ku bianza, e kuya kasokoka.
Pinapo bantu bacivua basambi-
dile mufue. Disambila dijika,
kukebabo bikulu bavua ne ci-
buikidiji cia mushete e kupa-
nga! Bitonda, bantu kuambula
mamu e kuya nende mu nkita,
mushete anu buashi. Ke kuke-
babo bibejibeji bipape bia bujitu
e kubuikila mamu; pashishe ku-
muelabo buloba.

Diba adio, bana ba mamu e
kuasa diela nsanzu, bamba ne:
Mamuetu mutulele, mutukole-
she; tuetu bamusumbile mu-
shete bua kumujika bilenga,
nyewu ukadi uya ne maloba
pambidi. Nanku tudi tumu-
lomba bua atangile bonso badi
benzeje bualu ebu, batupangi-
she mua kumujika ne kanemu
ne lumu.

Bavua ne cibiukidiji cia mu-
shete bapeta lumu lua nsanzu
ayo, kuyabo lubilu, bata-
ngile mu nkita bua kujula ka-
kuabo ne kumubuikidija. Ba-
lami ba nkita kubakolela ne:
Filayi anu ndola 1000, tushi-
she kuitaba bua nuenu kujula
mufue. Bikulu kusengelela
balami bikole ; abo kubenga
kabayi mua kushintuluka.

Kupinganabo ne cibiukidiji
ciabo acio, ciambula pa ma-
kaya, kabayi ne kua kuya
nacio kabidi.

Bana betu, kudi bilela kabu-
kabu bitudi tukasomba ku ba-
bende, pabio bienda bikonya-
ngaja nsombelu wetu wa Ba-
luba ne bena Kasayi bakua-
bo. Nanku kubilekela bienda
bitungunuka, nkulenga anyi
nkubi ?

Kayuki ka kasaka

**Bukalenga bua kalume
nkaya mbulenga citupa, bu-
bi citupa anyi ?**

Pa cibidilu, diba dionso
ditudi tuakula, tutela
muaku « Bukalenga »,
meji etu se matangije anu
ku lumvu lua ne : « *Mukalenga
ngwa bantu, bantu pende ngwa*



bulenga kampanda to.
Koko aka kadi kafuma anu
ku ngelelu wa meji
mukonyangale.


Bilondeshile bifukilu ne
bipedi biabo, tatu ne mamu
badi ne bua kukumbaja-
ngana mu malu onso.
Bualu kakueni musoko
nansha ditunga didi mua
kuikala anu dia bamamu
anyi dia batatu nkayabo to.

Pa nanku tudi tubenga,

tuosha ne munu muiku, disungulula ne ditapulula dionso dia
bantu.



Muyuki muenza kudi Munyaku ne bena bualu ba mu
nsangilu wa bbtm, wa mu Bonzola II .



Njila uyile cingunga...

Tudi tusoka Yezu, kadi diamuekaye, netumunyeme.

Muanetu Jean Kabamba, musombe ku Lukalaba, udi utulondela bualu bua tuseku, wamba ne:

Ku Lukalaba, bena citendelelu kampanda bavua baye ku mukuna, bua kusambila, bu mudi ba bungi benza cikondo eci. Kadi pepi ne muaba wa disambila awu, kuvua mucu wa dingeya mule, mupute matamba ne mabeji. Kuavu mupale pende eku, e kubanda ku mucu awu.

Butuku bumane kuila, balumiana ne bakajiana kukutulabo disambila. Diakamue kuasabo diela mbila mikole, babikila Mukalenga Yezu ne: *Yezu eee...! Yezu eee...! Yezu eee...!*

Diba adio, mupale umvua mbila ayo, kuandamunaye ne: *yeee* ! Bantu bumvua diandamuna dia mupale adio, ekelekeleee! Kabenda cibuka nnguebe! Bamamu ne bana bakuacila ku mitu; batatu ne: bamamu kabatushiya. Cimbu e kufua !

Pa bualu ebu, Munyaku udi unuelesha nuenu babadi meji, wamba ne: Bana betu, mbi-mueke ne: mu masambila etu, a cikondo eci, mudi bilela bia bungi. Bitendelelu bivule bidi ne ngenzeli ewu, wa disoka Mvidi Mukulu nansha Mu-nende Yezu mu masambila, anu bu mutusombe tubikila muntu wa panu.

Kadi ambayi ; cidi cienzekela bakuetu ba ku Lukalaba eci, bu ciocio cinutulukile mu cienu citanda, nuvua bafuane kuenza bishi?

Mafi, lulombo ne buivi bikadi bu mmisandu to.

Tatu Robert Mutanda, musombe mu cijengu cidi pepi ne tulasatutumbuke tua Nkonga Mia-nda mu Cikama, udi utulondela bualu bua kapuwa. Umvuayi: Muntu kampanda uvua mulongole dishima, bua kupeta mfualanga kudi mfumuende wa mudimu. Ke kumuambilaye ne: Mu-nanyi mmufue; anyisha umpe-sheku ndola 200, bua nkasumbe mushete, bua kumujika.

Mfumuende umvua nanku, kumuambulaye e kuya nende mu cipanyinu cia mishete ya bafue, e kumusumbila uvuaye ukengela. Amu yeye mfumuende ewu kubikila muena ntukutuku, bua ambule muena mudimu wende. Awu kubanda pa ntukutuku ne mushete muteka pambidi.

Bafika pa disangu ditudi tubikila ne ndia « Mobil », mulumiana e kuambila muena ntukutuku ne: ntuluila muaba ewu, uye. Muena ntukutuku mumane kuya nanku, muabilayi kushiya mushete muaba awu, e kuya anu muyile

Mbala ku Basonge. Iba' a mulolo, bampulushi, pa kumona bantu anu bikuta bimuangalala muine muaba awu, kusemenabo. Basangana mushete, kuwambulabo e kuya nawu ku nzubu wabo wa midimu.

Muaba ewu, Munyaku udi unukonka nuenu babadi se: Kupeta bintu ne didinga nansha ne mayela makuabo, kudi mua kutucisha muntu diakalenga panu anyi? Kabidi, kuenza mushindu ewu ki nkujingila muanebe wa munda lufu anyi ?

Buikulu bua lelu ka-buena busamina muoyo.

Wetu Jacques Cimanga, musombe mu Mbujimayi, udi ulonda bualu bubiabubi, wamba ne: Mamu kampanda uvua mufue. Ke bana bende kusumba mushete bua kamujika. Kadi bikulu kujika ne: bua nuenu kujika kaku, anu batupeshe ndola 1000. Bamba nanku, kukuacilabo